

Visoki predstavnik imenovao članove Visokih sudskih i tužilačkih vijeća

Visoki predstavnik, Paddy Ashdown, u skladu sa zakonskim propisima u BiH, imenovao je u ponedjeljak četiri nova člana Visokih sudskih i tužilačkih vijeća Bosne i Hercegovine, Federacije BiH i Republike Srpske.

Ova imenovanja su izvršena u skladu sa postojećim entitetskim i bh. zakonima u cilju popunjavanja upražnjenih mjesta koja su se pojavila u Visokim sudskim i tužilačkim vijećima BiH i njenih entiteta. Malcolm Simmons je imenovan kao član Vijeća BiH, F BiH i RS. Ovo imenovanje se vrši samo za prelazni period, što je utvrđeno zakonom BiH kao period do 31. prosinca 2003. godine. Katarina Tomić i Plamenko Čustović imenovani su u Vijeće F BiH a Slobodan Stanišić u Vijeće RS.

Ova imenovanja stupaju na snagu odmah. Visoki predstavnik je ovim imenovanjima popunio upražnjena mjesta nastala nakon imenovanja Branka Perića i Davorina Jukića u Sud BiH, ostavke člana iz međunarodne zajednice Silvija Bonfiglija, te smrti profesora Kasima Begića.